



## **REVELLI (Ruggero Grava)** **Un toc di Friûl fermât** **te storie dal Grant Turin**

La ARLeF e va in cjamp par ricuardâ a ducj i tifôs la figure di Ruggero Grava, atacant ecletic e possent che al lee il Friûl al Grant Turin. In ocasion de partide di vuê, e presente in anteprime il toc "Revelli", dedicât di Franco Giordani al zuiadôr furlan nassût a Claut intal 1922. Revelli, par ducj Ruggero, al nas inte frazion di Massuriis.

La famee si trasferis in France, lant daûr de strade dure de emigrazion. Al scomence subit a zuiâ di balon, e a 14 agns al à de S.P.E.S. il premi tant che miôr atleta dal an. Dopo cualchi trasferiment, i Grava a rivin a Parîs. Ruggero al zuie in diviersis formazions, inflamant la stampe francese. Midiand di lui, il Circul Olimpique Roubaix-Tourcoing (C.O.R.T.) al vinç la serie A inte stagjon 1946/47.



Il so talent lu viodin dal moment i dirigjents dal Grant Turin, che lu cuistin. Ma la Ponte e zuie dome 3 partidis (segnant un gol al Brussel). La sô cariere e finis a Superga ai 4 di Mai dal 1949, cul colâ dal avion che al puarte a cjase la squadre dopo un incuintri amichevul a Lisbona. La cjançon, in lenghe furlane inte variante di Claut tal Cjanâl de Cilina, e je gjavade dal cd "Truôisparis", publicât de cjase musicâl Nota.

## **Ai 30 di Setembar us spietin** **ducj a Udin, sot de Loze** **dal Lionel, pe Zornade** **Europeane des Lenghis**



La ARLeF e il Comun di Udin a celebrin la Zornade Europeane des Lenghis organizant, in colaborazion cu la Cooperative di Informazion Furlane, une zornade plene di avigniments, incuintris,

dibatiments, diretis radiofonichis. Par dâ visibilitât aes lenghis dal teritori e al plurilinguism che al è ad in plen presint inte cuotidianitât dal Friûl, al è stât pensât un program siôr. Sabide ai 30 di Setembar, sot de Loze dal Lionel a Udin, cun orari 10-22, e sarâ organizade une "vetrine" des lenghis dedicate soredut aes minorancis linguistichis storichis de nestre region (furlane, slovene, todescje). Si cjataran tancj bancuts cun materiâl informatif, gadget e novitâts editoriâls; cun di plui proiezions audiovisivis, animazions par fruts, ma ancje spetacui teatrâi e esibizions musicâls. Di no pierdi, prime di sere, il spetacul di Catine e daûr vie il Dj set cun ospit Doro Gjat. La Zornade Europeane des Lenghis (ogni an ai 26 di Setembar), istituide dal Consei di Europe intal 2001, an european des lenghis, e à l'obietif di sensibilizâ su la impuartance dal aprediment des lenghis par miorâ il plurilinguism e la comprension interculturâl, di promovî la diversitât linguistiche in Europe e di invidâ a imparâ lis lenghis dilunc di dute la vite.

**Stait in vuaite e cjalait la pagjine FB de ARLeF pes gnovis sul program!**